

海錄碎事

衣冠服用部
飲食器用部

卷五
之六

海錄碎事卷第五

晉書

百篇錄

宋

泉州太守葉廷珪

類集

明

河南僉憲劉鳳

鳳

重校

衣冠服用部

衣服門

龍具

漢書王章病臥牛衣中注云牛衣編亂麻為之今呼為

龍具

下裳

古詩緗綺為下裳紫綿為上襦

重繭

楚使子遠子憑為令尹遂以疾辭重繭衣裘鮮食而寢

注繭綿衣左傳

淳制

周官壹其淳制淳廣狹也制長短也

促衿

謝靈運西射堂詩撫鏡華緇鬢攬帶緩促衿言老瘦緩其促衿

麗服

嵇康贈秀才入軍詩良馬既閑麗服有暉注麗服軍戎之服

衣化緇

京洛多風塵素衣化為緇言塵染衣黑也陸士衡詩輕襟

涼飈自遠集輕襟隨風吹潘安仁詩

衡門衣

捨我衡門衣更被纓胡纓注野服也張景陽詩

平明振衣坐重門猶未開謝玄暉詩

相服

王宏遣吏科檢婦人相服女秩反蓋近身衣也

端委

端委漢書注禮衣也

石榴裙

金鈿正舞石榴裙耿緯詩

樊貂裘

史記蘇秦說秦不用黑貂之裘弊

鷓鴣裘

司馬相如與文君還成都以所服鷓鴣裘就市貰酒西

京雜記

冰練

大婦裁霧縠中婦疊冰練古樂府

翠雲裘

諷賦主人女翳承日之華披翠雲之裘被白縠之單衫
垂珠步搖來排臣戶

白縠衫見上

腰被

被居業反裙也珠壓腰被穩稱身杜詩

池飾

池飾邊緣飾也左思云衣被皆垂重池蓋因其形如池
沼四周以名之

衣一稱

衣一稱尺證反衣裳單複相副曰稱

吉光裘

漢武時西國獻之入水不沉入火不焦西京雜記

真珠裙

李賀二月詞微帳逗煙生綠塵金翅峨髻愁暮雲沓颭
起舞真珠裙

萬通衣

裴之高每誓云我得州刺史必作萬通衣後在潁川而

遂其半

浮光裘

唐寶曆中南昌國獻浮光裘即紫海水所染以五色彩
蹙成龍鳳觀者目眩杜陽編

一襲

後漢大臣賜衣一襲注單複具曰襲

龍綃衣

龍綃衣一襲無一二兩元載以寵姬薛璠英不勝重衣
故求之外國

三褚衣

三褚衣漢文帝遺尉佗上褚五十衣中褚五十衣下褚
五十衣注以絲裝衣曰褚上中下厚薄之差

濯墨

凡墨浣衣閉氣於水上作白字急濯之不過七遍墨跡
即淨廣陵官下記

黃盤鵬

國初以來賜翠毛錦長襖子太宗改賜黃盤鵬金城遺
事

魚子纈

魚子纈水波紗言衣服之美

楚製

叔孫通儒服漢王憎之乃變其服服短衣楚製

白鼈裘

吳書曰陸遜破曹休上大會命遜舞解所着白鼈子裘

海鏡圖考 卷五 賜之

鬱金裳

沈佺期詩羅家小婦鬱金裳

雲衣仙裙

齊王融謝賜裘啓雲衣降授仙裙曲委昔漢帝解裘不復前寵曹王褫帶復降今恩

諸于

更始諸將皆冠幘而服婦人衣諸于繡駟諸于大掖衣也如婦人之袿衣駟其物反光武紀

衣緋禪

刑部侍郎辛亶常衣緋禪俗云利於官高祖以爲厭勝將斬之趙綽力爭而免

含碧滋

五雲裘輕如松花落金粉濃似苔錦含碧滋 李白

紫綺裘

李白翫月金陵城西孫楚酒樓達曙歌吹日晚乘醉着紫綺裘烏紗巾與酒客數人棹歌秦淮往石頭訪崔回侍郎

貂檐褕

披君貂檐褕對君白玉壺雪花酒上減頓覺夜寒無 李白

青毛錦

上元夫人詩裘披青毛錦身着赤霜袍

烏納裘

皮日休詩不知何事迎新歲烏納裘中一覺眠烏納裘

出王筠文

岑牟

楊文公詩襴狂無自屈岑牟漢書衡着岑牟單絞之服鼓角士冑也

羊腸裙

燉煌俗婦人作裙攣縮如羊腸用布一疋皇甫隆禁改之後漢

麻泉貯衣

桂陽俗女不蠶以麻泉頭貯衣

裙袂

裙袂芙蓉小釵茸翡翠輕李義山詩

泉著

語衣敝緼袍注敝敗也緼泉著也言以碎麻著裘也

二三尺衣

後漢劉昭論王子封建云職充論道未離保母之養續侯賦政而服二三尺衣

魚文

並乘驥子兼服魚文注引象弭魚服蜀都賦

御袷衣

御袷衣袷衣無絮也潘安仁秋興賦

襞積

美襞積以酷裂良曰重疊也衡曰衣縫也思玄賦

新衣翠粲

新衣翠粲鮮色也琴賦

輕紈緇

坐見輕紈緇劉休玄

被文裘

被文裘文狐之裘也七啓

被華袿

被文縠之華袿音圭婦人上服也楚詞

阿縞衣

阿縞之衣齊之東阿出縞帛李斯書

葛帔練裙

劉孝標見任昉諸子西華兄弟冬月著葛帔練裙莫有

收卹於是作廣絕交論到漑見其文抵几於地

雲裘

大婦擘雲裘中婦卷羅幃少婦多妖艷花鈿繫石榴古

樂府

繫石榴見上

女工門采色附

札札

織織濯素手札札弄機杼札札機杼聲也古詩

祭杼

以織女星之祥因祭機之杼以求工巧考工記注

針神

魏文帝美人薛靈芝善裁製號針神

四十五日

婦人同巷相從夜續女工一月得四十五日必相從者

所以省賈祭火同巧拙而合習俗也注省祭火之費也
力召反 前漢紀

流黃機

愁苦不窺隣泣上流黃機

正色間色

案五方正色青赤白黑黃五方間色者綠為青之間紅
為赤之間碧為白之間紫為黑之間流黃為黃之間故
不用紅紫言是間色也所以為間者頴子嚴云東方木
木色青木尅土土色黃以青加黃故為綠綠為東方之
間色也又南方火火色赤以赤加白為紅紅為南方之
間色又西方金金色白以青加白為碧碧為西方之間
色又北方水水色黑以黑加赤為紫紫為北方之間色

又中央土土色黃以黃加黑為流黃流黃為中央之間
色又一法云木尅土戊以妹巳嫁甲是黃入於青故為
綠火尅金庚以妹辛嫁於丙是白入於赤為紅金尅木
甲以妹乙嫁於庚是青入於白為碧水尅火丙以妹丁
嫁於壬是赤入於黑為紫土尅水壬以妹癸嫁於戊是
黑入黃為流黃也 論語疏

竊黃

淺黃色也

竊藍

淺藍色也

鞶絲

禮女子生能言教之鞶絲女工

卷五
罽畫

罽畫
墨客揮犀云罽畫今之生色也

冠冕門

白接羅

爾雅注鷺頭翅背上皆有長翰毛江東取為接羅名曰

白接羅

惠文冠

惠文冠張敞弟武為梁相云當以柱後惠文彈治之惠

文秦時法官冠

翼善冠

唐會要正觀中太宗服翼善冠

高冠

墨子曰昔齊桓公高冠博帶以治其國

鷓冠

鷓冠加雙鷓毛插兩邊鳥中之果勁者秦漢施之武人

唐志

鮮冠

楚莊王鮮冠組纓絳衣博袍以治其國墨子

進德冠

唐會要正觀中貴臣服進德冠

鷓冠

鄭子臧好聚鷓冠鄭伯殺之君子曰服之不衷身之災

也左傳

貂蟬

徐廣車服雜注云侍臣加貂蟬者取其清高飲露不食
鹿胎冠

褚載送道士詩鹿胎冠子水晶簪長嘯歌眠紫桂陰
纓玉鞋

大兄珥金璫中兄纓玉鞋古樂府

夜光冠

漢武內傳曰上元夫人戴九星靈芝夜光之冠

爵弁

其弁色赤黑如爵

金鐙

後漢朱穆傳鐙以金爲之當冠前附以金蟬也漢官儀
云中常侍秦官也漢興或用士人銀鐙左貂光武以後

專任宦者服以金鐙

拒風

南齊永明中高麗使至服窮袴冠拒風曰此古之遺像
也

側帽

隋獨孤信爲秦州刺史因獵日暮入城風吹帽簷側及
旦人爭側帽效之

綠幘

漢官奴蒼頭冠綠幘

貂璫右插

魏略曰散騎常侍比侍中貂璫右插

竹皮冠

海鏡圖考 卷五 十
高祖爲亭長以竹皮爲冠後所謂劉氏冠注今鵲尾冠是也本紀

烏紗帽

齊豫章王嶷武帝所友愛駕幸其第許烏紗帽侍宴

左貂

魏略曰侍中服則左貂常侍服則右貂

金璫附蟬

漢侍中冠惠文冠加金璫附蟬爲文貂尾爲飾

玉葉冠

玉葉冠五真公主有之人莫計其價

冠青雲

楚辭帶長鋏之陸離冠青雲之崔嵬

側注冠

秦制行人使者所服一曰高山冠

金顏

通天冠金博山蟬謂之金顏古今注

繁露

冕旒稱繁露言下垂如繁露之多也上

通天冠

秦制通天冠梁加冕于其上爲平天冠

平天冠見上

冠幘綬帶

楊賜罷居拜太常詔賜所服冠幘綬帶

遠遊冠

遠遊冠秦採楚制漢因之天子五梁太子三梁諸侯王通服之

高山冠

秦滅齊獲其君冠制之形如通天冠一名側注冠以賜近臣謁者

獬豸冠

秦滅楚獲其君冠賜御史以纚爲展筓鐵爲柱卷取其不曲撓一名柱後惠文冠執法者服之或謂之獬豸冠

繁冠

繁冠亦名鷓鴣冠加雙鷓尾豎左右名鷓冠齊名繁冠武職服之

方山冠

漢制似進賢冠以五采縠爲之祠宗廟八佾四時五行樂人服之

却非冠

漢制宮殿門吏僕射等冠衣唐因之亭長門僕服之却敵冠

却敵冠晉制衛士服之

文櫬武帳

江摠華貂賦拜文櫬而影度陪武帳而香浮

大冠

東觀漢記武冠俗謂之大冠

危冠

長呼望青雲鑷白坐相看秋顏入曉鏡壯髮凋危冠李

芙蓉冠

桐柏真人着芙蓉冠

交輸冠

漢江充召見衣縠紗單衣曲裙後垂交輸冠蟬纚步搖之冠

冠縱

冠縱岌岌蜀都賦

星弁

郢酒泛水星弁側吳歛倚瑟黛蛾愁楊文公詩

玄端章甫

玄端之衣章甫之冠論語疏

鹿子皮

皮弁以鹿子皮爲之弁形如今祭酒道士芙蓉冠而無兩邊葉上

晞身布

齊必有明衣布謂沐時所着之衣浴竟身未乾燥未堪着好衣又不可露體故用布爲衣玉藻云君衣布以晞身是也上

金貂頰頰

珥金貂之頰頰光也選秋興賦

戴勝

西王母冠其狀如戴勝思玄賦注

冠岌岌

高余冠之岌岌長余佩之陸離楚辭

暖額附蟬

梁元帝謝東宮賚貂蟬啓東平紫貂之賜非聞暖額中山黃金之賜豈曰附蟬

帶紳門

緩帶

樂飲過三爵緩帶傾庶羞曹子建詩

春帶賒

徒使春帶賒坐惜紅裝變賒緩也選謝玄暉詩

綴幃

椒專佞以慢諂兮綴又欲充其佩幃綴音殺茱萸也幃囊也楚辭

萬釘帶

楊素破突厥隋文帝賜萬釘寶帶

九環帶

李德林修律令賜九環金帶

九華帶

隋書帝王貴臣多服九華帶烏皮六合靴惟天子帶加十二環以為差異

犀毗

班固與竇憲牋曰復賜固犀毗金頭帶此將軍所服也

鈎落帶

吳錄曰鈎落帶者革帶也世名金校帶孫權以賜陸遜破曹休之功

玉梁帶

侯莫陳順破趙青雀等魏文帝解所服金鏤玉梁帶賜之

衾枕門

通中枕

梅聖俞詩恨無玉枕名通中

芳松枕

劉向別錄有芳松枕

合歡被

古詩客從遠方來遺我一端綺文綵雙鴛鴦裁為合歡被

鄂君被一作載

說苑鄂君乘青翰舟越人擁楫而歌曰今夕何夕牽舟中流今日何日乃與子同舟鄂君乃以繡被覆之一作車

百幅被

裴之橫常曰大丈夫富貴必作百幅被後為吳興太守遂作焉

伏熊枕

韋庶人妹七姨嫁將軍馮太和為豹頭枕以辟邪白澤枕以辟魅伏熊枕以宜男

支髮枕

支髮枕庾公所作蓋今俗山枕魯直集

麝枕

置麝枕中可絕惡夢物類相感

海錄碎事 卷五 十一

柶瘠枕 桂蠹香 温庭筠

四男枕

標開七子共吐廉薑枕號四男更宜芳若

無患枕

下敬宗有無患枕銘無患木名也百鬼所畏

龍頭枕

東宮故事曰太子納妃有漆龍頭支結枕

青縑被

後漢尚書郎下筆為詔策出言為詔命其入直官供青縑白綾被或以錦緞為之給帷帳通中枕太官供食物湯官供餅餌及五熟果實之屬五日一美食下天子一

等給指使一人女侍史二人皆選端正妖麗執香爐護衣服

玉彫鏤

綵樹轉燈珠錯落繡檀迴枕玉彫鏤 李義山詩

印綬門 符節附

銀黃

黃金印銀綬是謂銀黃 前漢

山鵲印

張顥為梁相雨後有山鵲飛化為圓石破之得金印文曰忠孝侯印

水蒼玉

大夫佩水蒼玉而緇組 晉輿服志

雙龍符見太子門

傳龜

漢贊樊陰苗胤傳龜紫應劭漢官儀云公侯皆紫綬傳龜

銀艾

張奐曰吾前後仕進十腰銀艾注銀印綠綬也以艾草染之故曰艾

綬若若

漢書印何纍纍綬若若耶注云若若長貌

赤鞞綬

王莽封孫賢等授以黃金印赤鞞綬注鞞以繫印綬者系也音逆

銀章

晉置光祿大夫皆銀章青綬其重者加金章紫綬則謂之金紫光祿大夫而謂本光祿為銀青光祿大夫

龜鈕

孔愉嘗放龜溪中流左顧及愉封侯鑄印而龜左顧更鑄亦然

隨身魚

唐高宗詔文武四品五品並給隨身魚

銀魚

唐咸亨三年賜五品以上新魚袋並飾以銀

朱組

若得辭遠游戴武弁解朱組佩青紱陳思王欲辭侯爵

從事軍戎故云

青綳綬

綳青紫色音瓜東郭先生拜二千石佩青綳史記

駢組

蔡邕云合從者駢組流離注駢並組綬也

印囊

耿緯留別上元主簿暮鏤印囊呼小吏朝垂綬帶遠迎客

魚契

魚契魚符也

半章印

十三州志有秩嗇夫得假半章印

鵠銜綬帶

唐貞元制節度使鵠銜綬帶

青龍符

隋開皇中頒青龍符於東方刺史西方以騶虞南方以朱雀北方以玄武中頒銀兔符於諸郡武德中改銅符

印綬易餅

魏略太祖啗丁斐曰印綬何在曰易餅耳

借紫

武后朝武攸寧借紫衫金帶通典

借緋

開元八年敕都督刺史秩卑者借緋及魚帶

六合大同印

肅宗在靈武鑄印徵兵文曰六合大同印新侯家傳

兔魚龜符

唐初為銀兔符以兔為瑞也又有銅魚符以鯉為瑞也武后以玄武為姓瑞乃以銅為龜符焉朝野僉載

雙龍符

六典云符傳之制太子監國曰雙龍之符左右各十左進內右付外

魚書

大曆十二年詔准式諸州刺史替及別追皆降魚書然後離任

白艾綬

焦貢易林曰二千石官白艾綬也

金纓組履

張衡綬笥銘金纓組履文章日信

銀菟符

唐高祖四年停竹使符頒銀菟符於諸郡

懷金印

蔡澤懷金印結紫綬於腰言其足矣

懷銀黃

楊僕懷銀黃垂三組夸鄉里注銀銀印也黃金印也僕為主爵都尉又拜樓船將軍并將梁侯三印故云三組也漢書

竹使符

漢文帝初與郡守為銅虎符竹使符應劭云銅虎符第

一至第五國家當發兵遣使者至郡合符符言乃受之
竹使符皆以竹箭五枝長五寸鐫刻漢書第一至第五
張宴曰以代古之圭璋從簡易也師古曰與郡守為符
者各分一半右留京師左以與之

銅虎符 見上

玉麟符

隋煬帝幸遼東命樊子蓋為東都留守別造玉麟符以
代銅獸六典云傳符之制京都留守曰麟符

改璽為寶

唐長壽二年改玉璽為寶曰皇帝信寶天子信寶之類
金玉印

三代之制人臣皆得以金玉為印龍虎鈕唯所好也秦

以印稱璽以玉不通臣下用

龍虎鈕 見上

神璽

後周皇帝八璽有神璽有傳國璽皆寶而不用

鴨頭印

孫皓造金璽六枚又有龜龍麟鳳璽駝馬鴨頭雜印

尺一板

凡天子璽皆以武都紫泥封青囊白素裏兩端無縫尺
一板中約署後漢志

綠緌綬

漢制相國綠緌徐廣云金印綠緌綬緌音戾草名也以
染似綠又云似染

金章朱綬

宋制郡公金章玄朱綬

纁朱綬

諸王金璽纁朱綬

瑜玉

宋皇子金璽龜鈕朱綬佩瑜玉

山立玉

自諸王三公大將軍凡將軍位從公者皆佩山立玉宋制也

千里印

情知一丘趣不謝千里印李賀詩

墨綬

漢成帝時縣令墨綬南史宋諸縣署令銅印墨綬

連璽

連璽曜前庭之北猶浮雲璽印也 選詩左太冲

左銅魚

使君四十四兩佩左銅魚杜牧之

白銀章

朱紱白銀章上官佐鄱陽李白

環佩門

鳴和

羽旗栖瓊鑾玉衡鳴吐和古樂府

琥珀龍

幄中清酒碼碯鍾席邊雜佩琥珀龍古樂府

左佩華

王賜七華之玉左佩華者玉華之佩也穆天子傳

佩參參

脩初服之娑娑長余佩之參參思玄賦

紉蘭佩

紉秋蘭以為佩楚詞

佩陸離

高余冠之岌岌長余佩之陸離參差之貌上

解佩纒

解佩纒以結言上

惠纒

惠纒佩帶也思羊反上

戶服艾

戶服艾以盈要今謂幽蘭不可佩上

鵝肪

鵝毳翔衣帶鵝肪截珮黃梅聖俞詩

笏門

簿

秦必以簿擊頰注簿手版也晉輿服志

魚鬚笏

往還誰是龍頭人公主遣秉魚鬚笏李賀

手版

晉輿服志古者貴賤皆執笏主書君上之教令後代唯八座執笏其餘卿士但執手版示非記事官也

唐故事搢笏于帶而乘馬張九齡體羸使人持之因置笏囊

賜笏

唐大中中詔出故文貞公笏歸其孫丞相譚孫樵為之銘

履舄門

貢公綦

案無蕭氏牘庭無貢公綦綦行迹也蕭來王貢文人事選張景陽

金華舄

金華之舄動距遺光注以金為華而飾之七啓

笋鞋

斫樹遺桑斧澆花濕笋鞋張祐

麻鞋

中華古今注伊尹以草為之謂之草履周文王用麻為之名曰麻鞋

不借

絲作者謂之履麻作者謂之不借開元傳信記

登山屐

謝康樂在會稽登山陟嶺常着木屐上則去前齒下則去後齒

綠絲屨

齊東昏侯宮人皆作綠絲屨

鳳鳥

七夕王母降履玄瓊文鳳之鳥漢武故事

解脫履

單底曰履重底曰舄晉永嘉中為伏鳩鳳頭履梁武帝以絲為之名解脫履見事始

珠纂

珠纂趨北閣玳席徙南榮湘東王詩

鷓頭襪

履上足如霜不着鷓頭襪李白詩

金齒履

一雙金齒履兩足白如霜上

履躡華英

履躡華英華英光輝也南都賦

釵珥門

約金環

攘袖見素手皓臂約金環古樂府

金雀翹

金雀垂藻翹羅敷豔歌

雙翹

揚翠羽之雙翹七啓

明璫

無微情以勅家猷江南之明璫耳珠也洛神賦

宛珠

宛珠之簪於元切以宛珠飾簪也李斯書

鈿函

東宮故事太子納妃有步搖一具九鈿函盛之

鞭七寶釵

又有誦相如大人賦者曰吾初學時為趙昭儀抽七寶釵鞭予痛實不徹今日誦得還是終身一藝名幽怪錄

金鈿

金花曰鈿音田亦音甸

百英粉

趙后浴五蘊七香湯躡通沉水香坐燎降神百蘊香昭儀浴苴菟湯傅露華百英粉帝嘗私語樊嬪曰后雖有異香不如昭儀體自香也飛燕外傳

九鸚釵

趙后手抽紫玉九鸚釵為趙昭儀叅髻上

義髻

妃常以假髻為首飾而好服黃裙天寶末京師謠曰義髻拋洞裏黃裙逐水流

臙脂

起自紂以紅藍花汁凝作脂以為桃花粧蓋燕國所出故曰燕脂二儀錄

燕釵

洞冥記漢成帝得白燕玉釵以賜趙婕妤好至昭帝時宮人見此釵謀碎之明日視匣中見白燕升天而去

玉簪搔頭

西京雜記漢武帝李夫人取玉簪搔頭自此宮中皆用

玉簪

虎魄釧

東昏侯為潘妃作一隻直七十萬

釵梁

庾信蕩子賦佩珠翠的釵梁粟填

雪丹

二儀錄秦穆公弄玉感蕭史降于宮掖與穆公煉雪丹

第一轉與弄玉塗之名曰粉今水銀粉

飛仙髻

漢武帝時王母降諸仙髻皆異人間帝令宮中効之號

飛仙髻多轂子

三子釵

後漢崔瑗三子釵銘曰元正上日百福孔靈鬢髮如雲

乃象環星三珠橫釵攝媛讚靈

四枝鬟

四枝鬟上插通犀段成式詩

男錢

詐嫌皦具磨衣鈍私帶男錢壓鬢低上

香纓

香纓以五彩為之婦參舅姑先持香纓咨之

三角髻

上元許夫人偏得王三嬌嵯峨三角髻餘髮散垂腰

箇步搖

烏桓俗婦人首著勾決飾以金碧猶中國有箇步搖也

注箇或作懶古陌反釋名云皇后首飾上有垂珠步則搖也

彊環

成姬以百鍊金為彊環照見指骨

翡翠翹

李義山詩吳市蟻蟻甲巴賓翡翠翹他時未知意重疊贈嬌嬈一作妖

蟻蟻甲 見上

釵上燕

多羞釵上燕真愧鏡中鸞李義山詩

釵上鳳

為問翠釵釵上鳳不知香頸為誰迴上

生菜樣

白樂天蘇家女子簡簡吟玲瓏雲髻生菜樣飄飄風袖薔薇香

金雀釵

頭上金雀釵腰佩翠琅玕李義山詩

翠琅玕 見上

戴金搖

戴金搖之熠燿楚詞

墮馬鬟

扇掩將鷓曲釵承墮馬鬟姚元崇應制詩

銅鼓釵

南蠻鑄銅為大鼓初成懸於庭置酒以招同類富女子

以金銀爲大釵叩鼓因而名之曰銅鼓釵

舟門

越舡郎

皮日休酬魯望惠魚詩云何事貺君偏得所只緣同是越舡郎舡渠恭切小舟也

青翰舟

皮日休太湖詩云好放青翰舟堪弄白玉笛

欸乃

音襖靄棹船相應

聲山水綠

孝廉船

劉恢真長爲丹陽尹張憑長宗詣恢恢留宿明日還船

須臾恢出傳呼覓張孝廉船

榜人

榜人理行艫舟人也謝宣遠詩

輕橈

日落泛澄瀛星羅游輕橈音饒選謝靈運

藻舟

車駕幸京口神御出瑤軫天儀降藻舟藻舟畫船也顏

延年

千翼

萬軸胤行衛千翼泛飛浮注千翼千艘也

叩棹

叩棹親月船臨流別友生陸士衡

挂帆

剖竹守滄海挂帆過舊山 謝靈運

歸舟

天際識歸舟雲中辨江樹 謝玄暉

桂櫂蘭棹

桂櫂蘭棹羽例反 楚詞

荃橈

采荃橈兮蘭旗荃七全反橈而遙反 九歌

吳榜

齊吳榜以擊汰汰音太波也 九章

浮三翼

舟也越人有大翼中翼小翼船七命

歸艫

候歸艫於春渚 選吳季重牋

門匠

三門篙工謂之門匠 陝人云自古無門匠 墓言皆沉死

也

細槳

陸龜蒙詩細槳輕船買石歸

靈鷲舟

王子年拾遺記帝乘衝瀾靈鷲之舟以香金為鈎霜絲

為綸舟鯉為餌鈎于臺下得白鮫焉

擢女

劉孝標望水詩榜人夜理楫擢女暗成裝

鏡中行

陳釋慧 水詩舟如空裏泛人似鏡中行

露橈船

岑彭吳漢傳言露橈船注楫在船外人在舟中也

下瀨

及尋扁舟泊還尋下瀨歸林逋詩

歸橈

歸橈有餘興寧復比山陰上

一檣

杜若萋萋天似水一檣風信快吟懷上

小舸

秋歸值小舸上

海師

海船上篙工也

錦花飛

張正見泛舟橫大江云大江修且闊揚舲度迴磯波中

畫鷁涌帆上錦花飛舟移停浦月擢舉濕春衣

犀棧蘭橈

犀棧蘭橈翠羽蓋

兩板船

韓渥贈李處士兩板船頭濁酒壺七絃琴畔白髭鬚

鬱金楫

武遊郎者言昔見漢武帝乘鬱金楫泛積翠池自吹縹

玉笛

金剛事
卷五
三十一

蒙童

音蒙童又音衝戰船也

檣舟

義奇儀奇二切漢書曰烏江亭長檣舟待項羽應劭曰上也孟康曰附也

海鶻舟

海鶻舟輕捷之稱

單棹

單棹橫疎兩江灘秋泊時薛榮詩

飛閣

船首謂之間今江東呼船屋頭爲飛閣開元傳信記

一橈青翰

山下花明水上曛

浮家泛宅

張志和舟收漏顏真卿欲更之

來若雪間唐書

兩潮船

懷潤州僧鐵甕猶歸三月寺銅餅輕挂兩潮船林逋

舍煙舟

洞冥記漢宮舍煙舟以木蘭文杏爲櫓

杏櫓見上

掇月舟

龍蚪池有掇月舟

布帆無恙

顧愷之爲殷仲堪叅軍嘗因假還以布帆借之至破冢
遭風大敗愷之與仲堪牋曰地名破冢真破家而出行
人安穩布帆無恙

美滿風

千帆美滿風杜牧之

健帆開

烏林芳草遠赤壁健帆開杜牧之

旅艗

澤國旅蝗衝雨黑都門祖廟照堤紅送元厚之歸吳中

王禹玉

檝馬

越王勾踐曰越人以船爲車以檝爲馬

浮環

傳云中流失船一壺千金乃今所謂浮環也遜齋閒覽
腰舟也

蜂舟

拾遺記武王伐紂有蜂如舟烏集於舟因以繪旗其舟
曰蜂舟

檣颿

王禹玉秋風詩海國檣颿壯邊城鼓角雄

黃篋

煬帝幸江都五品以上給樓船九品以上黃篋

凌風舸

隋處士元藏機泛海遇風載至一洲島人曰此乃滄洲

忽思中國洲人製凌風舸送之旬日至東萊

水生風熟

水生風熟布帆新熊孺登詩

佐刺船

陳平去楚間行杖劍亡度河船人疑其亡將腰下當有
寶器金玉平恐乃解衣羸而佐刺船

峭帆人

白浪如山那可渡狂風愁殺峭帆人李白

挂席

挂席渡滄海上

孤蓬征

一身竟無托遠與孤蓬征上

搖艇

搖艇入新安上

天上座

人疑天上座樓船水淨霞明兩重綺上

鵝鸛鳴

大舶夾雙櫓中流鵝鸛鳴上

棹歌聲

滿書羈孤意遠寄棹歌聲上

北船緩

南船正東風北船來自緩上

謝眺舟

高人屢解陳蕃榻過客難登謝眺舟上

緩棹

佳境宜緩棹清輝能留客上

遊吳棹

再動遊吳棹還浮入海船上

無倪舟

一乘無倪舟八極縱遠施上

滄浪棹

登艫望遠水忽見滄浪棹上

緩歸橈

此時殊訪戴自可緩歸橈上

齊橈樂

船上齊橈樂湖心泛月歸上

進帆

進帆天門山迴首牛頭沒上

蕩舟劇

吳兒多白皙好為蕩舟劇上

槁工楫師

槁工楫師選自閩禺

浪棹見隱逸門

帶明月

暮角起城頭歸橈帶明月 歐陽永叔

船縮

方言大湖大船曰舸小船曰艇音又小艇曰船縮音昌宿小船縮曰艇艇長而薄曰騰音帶短而深曰舫音步

小而深曰舳音叩

擢女謳

擢女謳鼓吹囊西都賦直教反

舟牧

文選注主舟官也禮記曰舟牧覆舟西京賦

拽女

齊拽女縱櫂歌上

船容裔

船容裔注船行貌南都賦

浮文鷁

浮文鷁畫鷁于船首也子虛賦

收風

屏翳收風川后靜波洛神賦

騰文魚

騰文魚以警乘注文魚有翹能飛子虛賦

薄柱渚

弭棹薄柱渚曲渚也謝靈運

發棹歌

簫鼓鳴兮發棹歌漢武帝詞

舟輕颺

舟遙遙以輕颺歸去來詞

御青翰

龍文飾轡青翰在御說苑鄂君乘青翰之舟

船為脚

贈監官主人出路船為脚供官木是奴施有吾詩

峭帆

峭帆橫渡官橋柳壘鼓驚飛海岸鷗楊億詩

烏榜江船

烏榜江船早滿湖

嶠頭舫

映山黃帽嶠頭舫

獨木船

蜀記昔夏禹欲造獨木船知梓潼縣尼陳山有梓木徑一丈二寸令匠者伐之樹神為童子不伏禹責而伐之

羽楫

羽楫萬計言舟楫之疾也國語

一櫂

王朗兵敗浮海與老母共乘一櫂船也

車門

步挽車

北齊後魏大臣老者多給步挽車

劇駝

爾雅七達謂之劇駝言車馬多也

輶車

古軍車也一馬曰輶車二馬曰輶傳唐本傳

追鋒車

追鋒車如輶車蓋取其迅速也施於戎陣之間是謂傳

乘

大使車

晉志大使車立乘駕四小使車不立乘駕四輕車之流也

小使車見上

輕車

輜軒輕車也晉志

朱班輪

凡諸使車皆朱班輪赤衡軛上

朱軒

朱軒曜金城注公卿車也選詩

蓄軫

蓄軫豈明懋善游皆聖仙言蓄車不行豈明德勉厲之

君善為巡游者皆是聖智靈仙之主顏延年

金駕

金駕映松山上

歸軫

發軌喪夷易歸軫懼崎傾言始既失平易之道今如車之將歸宜慎崎傾之險也顏延年

飛駕

惆悵瞻飛駕引領望歸旆陸士衡

乘憶

歸雲乘憶浮淒風尋帷入車網也許偃切潘正叔

銅輦

撫劔遵銅輦振纓盡祗肅銅輦太子車也陸士衡

徂兩

擾擾整容裝肅肅戒徂兩徂往也兩車也謝玄暉

玉軒

都人驟玉軒叔向日絳之富商而能金玉其車陸士衡詩

倚結軫

倚結軫兮太息涕潺湲兮霑軾車檣木也楚詞

宛虹

垂宛虹之長綏於元反七啓選

紫軟

青精翼紫軟黃旗映朱邸青精星也紫軟天子車謝玄暉

暉

三望車

沈慶之既貴給三望車慶之謂人曰我每遊履田園有人時與馬成三無人日與馬成二今乘此安之遂固讓三望車三公所乘也

薄奔車 見儉門

屬輪

蘇許公送金城公主詩云帝女出天津和戎轉屬輪

五雲車

庾信步虛詞云東明九芝蓋北燭五雲車

排月

玉鑾乃排月瑤鞍信陵空 選詩

机車

劉孝威行幸甘泉宮歌云机車鳴里鼓駟馬駕風

腰輿

腰輿以手挽之別於肩輿決疑要錄

蒲輪車

史記曰封禪為蒲輪車恐傷土石草木

揮車

揮車鈞車也

七香車

魏武帝與楊彪書今贈足下畫輪四望七香車一乘古今注

今注

車轄鐵盡

越裳來貢忘其歸途周公與指南車及到車轄鐵皆盡

古今注

飛車

寄肱之民能為飛車從風遠行至於稟洲歸則別給不

以示人洞冥記

白鸞車

道經太真丈人登白鸞之車

毛車

異國入貢乘毛車甚快拾遺記

玉錦輪

紫元夫人歌云命駕玉錦輪真誥

飛輪車

東海君乘獨颺飛輪車接行諸洞天真誥

鈿車

銀鞞駮裊嘶宛馬繡鞅璵瓏走鈿車杜牧詩

軒朱

鳴琴竽瑟會軒朱注即朱軒也李賀詩

油辟車

蘇小歌油辟車久相待上

彫几

禮記車不彫几器不刻鏤注彫畫也几附漆為沂鄂也沂魚巾切鄂如字

鷄栖車

獨乘鷄栖車自覺無風調

軫轄車

漢昭帝崩霍光奏遣太僕以軫轄車迎曾孫為帝是為

宣帝

赤衡軛

凡諸使車皆朱班輪赤衡軛

巢車

陳勝攻陳守令皆不在獨守丞與戰譙門中注譙門謂門本為高樓以望耳樓一名譙故謂美麗之樓為麗譙譙亦呼為巢所謂巢車者亦於兵車之上為樓以望敵也譙巢聲相近本一物也

平肩輿

時乘平肩輿出入畏人知

金根車

秦因金根車用金爲飾謂金根車而爲帝軫立旗竿游以從水德光武以擬周之玉輅最尊者也

闐猪車

漢制獵車一曰闐猪車魏改名闐虎車晉曰闐戟車

闐戟車 見上

繆龍

漢置安車立車各五乘鳥乘輿副車金簿繆龍爲輿倚較文虎伏軾龍首銜軌繆交也

旗斜注

晉制謂安車立車爲五帝車龍旗十二旂立車則正豎其旗安車則斜注

黃屋左纛

漢制副車黃屋左纛如金根之制行則從後左纛者以犛牛尾之在左駢馬軛上大如斗

五牛旗車

梁因晉制五牛旗車左赤青右白黑黃居其中象古五時副車也

輕車

漢因周制有輕車朱輪輿不中不蓋建矛戟幢麾輶輓弩箛

鑾輅

唐武德初著令天子鑾輅玉金象革木五等屬車十乘指南車記里鼓車白鷺車鸞旗車辟惡車皮軒車耕根車安車四望羊車貞觀元年十一月始加黃鉞車豹尾

車通爲十二乘以爲儀仗之用

屬車十乘見上

辟惡車

辟惡車秦制也桃弓葦矢所以禳祓不祥

耕根車

漢帝有三蓋一曰芝車置耨耒耜之箬上親耕則乘一名三蓋車

芝車見上

三蓋車同上

安車

安車周制致仕之蓋及后乘之

四望車

齊制通幃油幢斑漆輪轂亦曰皂輪以加貴臣

羊車

晉制一名輦隋時駕下馬其大如羊

象車

晉武平吳南越獻馴象作大車駕之以試橋道

豹尾車

漢制屬車最後一乘也懸豹尾以前比之省中

記里鼓車

晉安帝時劉裕滅秦得之有木人執槌向鼓行一里則打一槌

大章車

崔豹古今注記里鼓車亦名大章車

駕輅

漢皇后駕輅青羽蓋駕四馬旒九旒

紫扇車

後魏熙平中蘇紹議皇后之輅歸寧則御紫扇車

追鋒車

追鋒車去小蓋加通幔以迅速為名如輅車也

犢車

犢車則魏武賜楊彪七香車也

夾望車

晉制位至公或四望三望夾望車

余車

夏名輦曰余車殷曰胡奴車周曰輜車不知何代去其

輪

小輿

齊制小輿如輅車小行幸則乘之

臥輦

臥輦齊制也

鹿輜輅

梁制三公開府尚書令給之

鳳輜輅

尚書僕射中書監秘書監給之

聊泥輅

尚書列卿等給之

龍雀輅

諸王除刺史帶將軍給之

方蓋輅

中丞給之

朱兩轡

二千石皂蓋朱兩轡千石六百石朱左轡

右移

巾車命駕迴旆右移注曰車右轉將旋也 西京賦

車挂鞬 音衛

車挂鞬人駕肩 蕪城賦

輕軒

大夫人乃御板輿升輕軒 閑居賦

文軒

披文軒而騁望

鮮車

鮮車駑華轂

駕飛軫 音零

駕飛軫之輿輕車也

巾車

歸去來辭或命中車或棹孤舟注巾飾也孔叢子曰巾車命駕將適唐都

薄板車

老子乘青牛薄板車出關

如秦立至

如秦者立而至有車也適越者坐而至有舟也

旌旗門

雲旗

雲旗與暮節注畫雲飾旗也選詩

鑿旌

鑿旌歷頽寢注車駕旌旗也謝宣遠

飛髻

漢書曳長庚之飛髻所交切旌旗所垂羽毛也

楚雲虹

行幸歌銅鳴周國旒旗曳楚雲虹選

常重光

旗魚須常重光注日月為常故曰重光謂日月書於旂

上吳都賦

建祀姑

坐組甲建祀姑注祀姑幡名也上

建肥胡

國語吳王與晉爭夜中令士卒振鐸建肥胡上

旗魚須

旗魚須輶驪上

翠鳳旗

翠鳳旗以翠羽為鳳形

旗心綠字

旗心展綠字樓影轉繪花李相侍宴

巾櫛門

白綸巾

每錄

卷五

四

謝萬著白綸巾鶴髦裘

半頭幘

後漢注半頭幘卽空頂幘也其上無屋續漢書童子幘無屋示未成人未入學小童幘勾卷屋者示向幼小來遠冒也

辟塵巾

辟塵巾出雜俎又有辟塵簪

納言幘

尚書幘收三寸名曰納言幘示以忠正明近職也

空頂幘

梁制未加元服則空頂幘

折上巾

郭林宗遇雨露巾角折後周武帝因制折上巾

葛巾

東晉制國子生見祭酒博士冠葛巾

角巾

薛平年至請告角巾東洛人甚高之

幅巾

後漢末三公名士以幅巾爲雅袁紹戰敗幅巾渡河

承露

六國時趙魏之間通謂巾爲承露用全幅向後幘髮謂之頭巾俗人謂之幘頭

頭巾

幘頭 同見上

海金府事 卷五 四七
冒絮

周勃下獄薄昭爲言薄太后文帝朝太后以冒絮提文帝注提擲也巴蜀異志謂頭上巾爲冒絮

草裏烏紗巾

草裏烏紗巾倒披紫綺裘李白詩

方頭巾

李白嘲魯儒詩足着遠遊履首戴方頭巾

虎文巾

虎文巾在絳霄房皮日休紗巾詩

璚瑁擗

漢制皇后簪以璚瑁爲擗公卿二千石列侯夫人魚須擗長一尺爲簪珥

魚須擗見上

許公柏

雲定興謂宇文述曰入內宿衛必當耳冷乃爲述製被頭巾令深柏耳時人學之名爲許公柏勢許公述封魯也

巾幘鮮明

侍者蠱媚巾幘鮮明南都賦

鹿耳巾

劉商鹿耳巾歌趙侯首帶鹿耳巾規模出自陶弘景几杖門

積竹杖

漢昌邑王買積竹杖注合竹爲杖也

靈壽杖

漢平帝賜孔光靈壽杖顏師古云靈壽木似竹有節長不過八九尺圍三四寸自然合杖制不須削治也

金策

送人遊天台石梁高絕赤城深影落滄溟幾萬尋金策若迴聊爲說慰予終老愛山心
林逋詩

延年杖

魏文帝賜漢太尉楊彪延年杖

扶老

邛竹可爲杖磔砢不凡爲之扶老
出談助

九節杖

王遙遇雨使弟子以九節杖擔篋不霑濕
神仙傳

蝦鬚杖

海中有大蝦鬚可爲杖長丈餘
嶺表異錄

苔花

玉榦一尋餘苔花錦不如盧綸斑竹杖詩

步挽几

道武賜元纂步挽几以優異之

胡孫藤

僧伽歌瓶裏千年舍利骨手中萬歲胡孫藤

扇門

合歡扇

新裂齊紈素鮮潔如霜雪裁成合歡扇團圓似明月
選怨歌行

機中素

紈扇如圓月出自機中素

江文通古離別

女乘鸞

畫作秦王女乘鸞向煙霧斑婕妤

團扇

晉中書令王珉好捉白團扇其侍人謝方歌之因以為名

離扇

庾肩吾詩拂匣看離扇開箱見別衣

圓紗見歌舞門

七輪扇

劉孝威行幸甘泉宮歌輦迴百子閣扇動七輪風

五明扇

盧恩美女篇時搖五明扇聊駐七香車古今注舜廣開視聽求賢人以自輔作五明扇漢公卿皆用之魏晉非乘輿不得用鄴中記石季龍作五明雲母扇

遺紈扇

朱買臣為會稽太守懷章綬至舍亭人不知也所知錢勃見其暴露乃勞之曰得無罷乎遺以紈扇買臣至郡引為上客

鵲扇

昭王時外國獻丹鵲拾其脫羽以為扇甚奇麗名為鵲扇拾遺記

便面

張敞罷朝會過走馬章華臺使御史驅自以便面拊馬
便面所以障面自便亦曰屏面

屏面見上

鵝翅扇

拾遺記周昭王取鵝翅為扇一名施風一名條融一名
反影

同心扇

東宮故事太子納妃供同心扇

蟬翼扇

古今注漢成帝賜飛燕五明扇七華扇雲母扇翟扇蟬
翼扇

揚仁風

袁宏為東陽守謝安授以扇荅曰即當奉揚仁風以慰
黎庶

檀席門牀簾附

桃笙

宋魏之間方言謂簾為笙梁簡文謝簾言云未若五
九折生桃笙之翠筍

象簾

王隱晉書車永為廣州其子溢多使工作象牙細簾

玳簾

玳簾清夏室輕扇動涼颼楚緇切謝元暉

塵榻

賓至下塵榻憂來命綠尊古詩几榻委塵埃沈休文

雙文簟

王縉詩云玉枕雙文簟金盤五色瓜

冰簟

吳融詩露牀冰簟落秋河

脚婆

脚婆煖足器山谷有二詩

氍毹

氍毹毛席音瞿輸亦作氍毹

流黃簟

會稽獻竹簟號流黃簟

疎霜

李賀六月詞裁生羅伐相竹帔拂疎霜簟秋玉炎炎紅

鏡東方開暈如車輪上徘徊啾啾赤帝騎龍來

簟秋玉見上

花簟

李賀七月詞僅厭舞衫薄稍知花簟寒

鬼吹

康真人氣訣云牀席須厚軟脚稍令高真誥云牀高三尺卽鬼吹不及矣蓋因地氣以吹之而爲祟矣

犀簟

洞冥記跋勒國貢文犀織以爲簟

鳳窠斜

御牋銀沫冷長簟鳳窠斜李賀詩

織成金簟

庚肩吾謝銅筆硯格西域胡人臥織成之金篋隨仙童子隱芙蓉之行幢

金篋

侯君集破高昌得之

蛩毡

瑶席夏冷蛩毡冬煖沈佺期七引

薜荔席

靡薜荔而爲席折瓊枝以爲芳甘泉賦

單席

周禮注衽席單席也

裊褥門

雲茵霓褥

武夷記真君殿中鋪雲茵紫霓褥

冰蠶錦

康老子常買一舊錦褥有波斯見之乃曰此冰蠶絲錦若月陳于座則滿室清涼樂府雜錄

簾幙門屏帳幔附

甲乙帳

漢武故事云以上琉璃珠玉明月夜光雜錯天下珍寶爲甲帳次爲乙帳甲以居神乙以自居

蚊幃

崔祖思啓陳政事曰宋武帝節儉張妃房唯碧綃蚊幃

單帳

韻略幃單帳也

冰綃

李義山詩水精帷箔卷冰綃

隔坐屏

吳錄景帝時紀亮為尚書令子儻為中書令每朝會詔以御屏風隔其坐

清防

踟躕清防密徙倚恒漏窮注清防屏風也顏延年

華幔

光燈吐曜華幔長舒選嵇叔夜詩

延秋月

玉宇來清風羅帳延秋月劉休玄詩

青廬

北朝昏禮青布幔為屋謂之青廬

流蘇帳

珠扇玳瑁牀綺席流蘇帳古樂府

密帳温幌

密帳真珠絡温幌翡翠裝李義山詩

么幄小次也

蛟蛸

路巖資產不知紀極有蚊幘一頂如碧煙輕密人以為蛟蛸中朝政事

五王帳

玄宗友愛於殿中設五帳與諸王更處其中謂之五王帳

夜明簾

夜明簾雞林郡所進張說得之書生取進九公主以解難

薇帳

李賀二月詞薇帳逗煙生綠塵金翅我髻愁暮雲宵殿起舞真珠裙

金鵝屏風

金鵝屏風蜀山夢鸞裙鳳帶行煙重李賀詩

玳瑁簾押

漢武帝故事上起神屋以真珠為簾玳瑁押之雲

歸藏啓筮者昔日女媧坐張雲幕

青油幕

梁宣武王子韶為朗州坐青油幕見庾信

龜甲屏

漢武起神明臺臺上設金牀象席雜玉為龜甲屏洞冥記

却寒簾

咸通中開昌公主下降寶貨之盛無以為比其異者有金菱銀粟連珠帳却寒簾犀簞牙席蠲忿犀如意玉九鸞釵辟邪香之類杜陽編

翡翠帷幃

翡翠帷翠幃宋玉招魂

小帳

海鏡石事 卷五
小帳也形如覆

黼帳

相如曰黼帳高張

藻帳

曹植曰藻帳垂陰

緹幕

李白鴨欄驛贈崔侍御臨驛卷緹幕升堂接繡衣

飛仙帳

東昏侯為徐妃作飛仙帳四面

青油幢

晉輿服志青油幢諸王三公有勲德者特加之

帷裳

帷裳謂帷幔之屬也 論語疏

流蘇

倦游錄流蘇者乃盤線繪繡之毬五色錯為之同心而下垂者是也

建珠 見却寒簾門

毳幙禦風

韋幙毳幕以禦風雨 李陵書

緹帷帟幕

緹韋宿置帟幕宵懸 王元長詩序

簾旌

朱延齡詩飛絮觸簾旌

鞭蓋門

九子珂

唐制馬珂一品以下九子四品七子五品五子

坐鞵

蘇秦先貴張儀來謁坐於馬鞵而食之

塵外鑣

昔聞汶水游今見塵外鑣鑣銜也謝靈運從宋高祖上北固樓作

方驥

方驥齊鑣比迹同塵注方並也陸士衡

駢服

安得携手俱契闊成駢服言駢服之馬常相隨也音非陸機贈弟

驚蓬

身騎征馬逐驚蓬李商隱詩

皂蓋

中三千石二千石皆皂蓋朱兩輪

飛蓋

清夜遊西園飛蓋相追隨曹子建詩

金羈

古樂府白馬篇白馬飾金羈連翩西北馳

金絡頭

駿馬金絡頭錦帶佩吳鉤鮑明遠

飛鞵

獸肥春草短飛鞵越平陸選詩

浮駮

回流有急瀾浮駮無緩轍 謝靈運

長轡遠御

長轡遠御妙略潛授謂司馬宣王 孫子荆書

金叟

馬融賦揚金叟而把玉瓊蔡邕獨斷云金叟者馬冠也
無犯反一音子公反瓊馬帶以玉飾之音囊

長梢鞭

前秦錄苻堅時關中謠云長梢馬鞭擊左股太歲南行
當復虜

鏤衢鞍

三輔決錄云平陵孫奮富聞京師梁冀遺一鏤衢鞍從

貸五十萬

九芝蓋

庾信步虛詞云東明九芝蓋北燭五雲車

三素轡

左迴三素轡右搖八景輪 選詩

垂鞚

無人見惆悵垂鞚入煙蘿 耿緯詩

金絡腦

躑躅馬搖金絡腦嬋娟人墜玉搔頭 褚載詩

青絲轡

江總暫解青絲轡行歌鏤衢鞍又徐陵瑯鞍石鏤衢鏤
衢出晉書

青絲鞵

古樂府宛轉青絲鞵照耀珊瑚鞭元帝紫駟馬

蹋馬

何偃乘車在前劉瑀蹋馬及之

小蓋

後漢興字君陵為黃門侍郎尚持小蓋鄣翳風雨

百獸鞵

安樂公主令尚方採百獸毛鞵回視之各見本獸形

連珂

連珂來訪紫芝仙王禹玉

白金絡

梁簡文詩晨風白金絡桃花紫玉荷

犀羈

劉孝威驄馬驅云犀羈玉鏤鞍寶刀金錯鞘古樂府

白銀鞍

天馬白銀鞍李白詩

繞朝鞭

莫道詞人無膽氣臨行將贈繞朝鞭李白詩

寫鞵

揚鞭動柳色寫鞵春風生上

馬腦勒

邢子才冬日詩朝馳馬腦勒夕御龍耳杯

許公缺

雲定與附會宇文述為述製馬轡於後角上缺方二寸

以露白色輕薄者爭効之謂爲許公缺轡

縈馬蒲

三齊記蒲臺在城南始皇所頓處在臺下縈蒲繫馬今蒲猶縈者

王良執靶

王良執靶韓哀附輿選賦

燈燭門

九光燈

漢武祈王母於宮中燃九光九微之燈

官燭

後漢巴祗與客暗坐不燃官燭

金枝

金枝中樹廣樂四陳金枝燈也顏延年詩

朱火

朱火青無光蘭膏坐自疑言寒氣迫之朱火燈也選張茂先詩

桂燭

李義山詩褰帷桂燭殘

簾押

李義山燈詩形隨簾押轉蕭貫曉寒歌云海牛押簾風不入

紫桂樓

李義山燈詩暄朝紫桂樓

銀龍

蕭放詩銀龍銜燭燼金鳳起爐煙

鳳膏燭

漢武帝燒鳳膏為燭以照神壇吳融詩云鳳膏還向日
中焚

篝火 音鉤

篝火籠也見漢書陳勝傳

密龕燈

遠聞疎牖磬曉辯密龕燈選詩

常蒲燈

長安巧工丁僕為常蒲燈七龍五鳳雜以芙蓉蓮葉捧
承之狀

缸花

李賀十月詞玉壺銀箭稍難傾缸花夜笑疑幽明珠帷
穩臥不成眠金鳳刺衣著體寒長肩對月聞彎環

綠桂膏

拾遺記燕昭王取綠桂膏然之照夜

密焰

傅咸燈賦金枝密焰已流芳

然蜜

香漆然蜜氣雜燒蘭庾信燈賦

冰河

穆王刻璠膏之燭覆冰河不使光遠荷出冰壑火不能
鎔拾遺記

折壘

管子左手執燭右手折聖亦作卽燭頭燼也

西明夫人

西明夫人長明燈也亦謂之長明公異聞集

巽生蛾郎

紅裳女子曰巽生蛾郎不復為暴矣上

燭垂細酒

燭垂細酒香全輕塵選賦

密炬一作蜜

密炬千枝爛李賀

似流螢

山花如綉頰江火似流螢李白詩

仙人燭

仙人燭木似梧桐其皮枯剝如筒桂以為燭可延數十

刻

鏡門梳篦附

紅鏡

李賀六月詞裁生羅伐湘竹帔拂疎霜簟秋玉炎炎紅
鏡東方開暈如車輪上徘徊啾啾赤帝騎龍來

地鏡

玄中記尹壽作地鏡圖云欲知寶所在以大鏡夜照見
影若先在鏡中者物在下

鍊形神冶

鳳州遁跡山有郭家崖景德元年有軍人楊起忽入一
洞穴得一鏡圍五寸背鑄水族回環三十二字銘曰鍊

形神冶瑩質良工當眉寫翠對臉傳紅如珠出匣似月
停空綺窓繡幌俱涵影中云洞中有石臺三所鑑架一
座忽取鑑俄聞其後有風雨聲鑑在懷中匣已碎矣

淪玉鏡

秦帝淪玉鏡留侯降氣氤李白詩

金鵲鏡

明明金鵲鏡了了玉臺前又云影中金鵲飛不滅臺下
看青鸞思獨絕上

囊橐門

橐中裝

陸賈使南越王佗賜賈橐中裝直千金

輕橐

輕橐歸時曾縞薄寒衣縫處鄭綿多耿緯

約齋

約齋輕裝也

褚中

鄭賈人將寘荀瑩於褚中而出出左傳白氏六帖云囊
滿褚中弓亡楚地

金平脫

金平脫裝具貴妃以賜安祿山

鞞囊

漢書鞞囊者佩在腰間亦謂之印囊

笠門

葵笠

海錄碎事 卷五 六十三
貴州圖經云郡有葵可以為笠謂之葵笠

青黛笠

觀松青黛笠 元稹詩

臺笠

詩臺笠緇撮箋云臺夫須也都人之士以臺皮為笠

海錄碎事卷第五

海錄碎事卷第六

宋 泉州太守葉廷珪 類集

明 弇州山人王士禛 重校

飲食器用部

酒門

安石榴

扶南傳頓遜國有安石榴取汁停盆中數日成美酒通典

化酒壺

吳書鄭泉字文淵性嗜酒臨卒謂同類曰必葬我陶家之側庶百歲化而成土幸見取為酒壺實獲我心矣

析波浮醴

曲水應詔詩云分庭薦樂析波浮醴注云分水行盃也

海金... 卷六
顏延年

梁市客

列仙傳酒客者梁市酒家之客作酒常美日售萬錢

埋照

沈醉似埋照注照光也
阮步兵

杜康

曹操短歌行云慨當以慷憂思難忘何以解憂唯有杜

康

斗十千

歸來宴平樂美酒斗十千平樂觀名也
曹子建

盪幽默

急觴盪幽默王粲詩

密勺

瑤漿密勺實羽觴楚詞

浮蟻

浮蟻鼎沸酷烈馨香上

娛腸

可以和神娛腸七啓

沈頓

小器易盈先取沈頓言酒困也
吳季重牋

耳熱

酒後耳熱仰天撫缶而呼嗚嗚
楊惲

愛竹及酒

辛宣仲居士截竹為壺以酌酒曰吾性甚愛竹與酒欲

令二物並耳 逸士傳

無愁酒

漢武作無愁酒飲之令人無憂

酒兵

永嘉飲不醉藥方讚左持鄭杓右引徐鎬非爾弘濟吾

降酒兵 勝說

鶴觴

世說海東劉白墮善釀酒六月赫熾曝酒于日中不動
餉饋逾于千里號曰鶴觴

顧建康

顧憲之為建康令為政甚得人和時人飲酒醇者輒號
為顧建康言其清且美

營糟丘

陳暄好飲酒與其姪書曰速營糟丘吾將老焉

惡客

不飲者為惡客出元次山集中山谷詩雷裏過門多惡
客

麴居士

山谷詩云萬事盡還麴居士百年常在大槐宮

觥船

杜牧觥船一棹百分空

傾家釀

晉何充字次道能飲酒雅為劉恢所貴云見次道飲令
人欲傾家釀言其温克

酒因境多

魏肇師曰徐君房年隨情少酒因境多

鴟腦酒

肅宗張皇后擅權每進酒常置鴟腦蓋能令人久醉健忘也

歲酒

林逋山中冬日詩誰家歲酒熟輟棹憶西村

香筍

香筍獨酌聊為壽從此羣芳興亦闌

茶風酒禿

茶風無奈筆酒禿不勝簪 張祐

流涎咽唾

魏文帝詔曰蒲萄釀以為酒甘于麴米逢之固以流涎

咽唾

鬼我我

楊松玠談藪北齊盧思道嘗曰長安酒賤斗價三百能可鬼我我不可令鬼我爾也

糟牀注

賴茲禾黍收已覺糟牀注 談賓錄

石榴花

李義山詩我為傷春心自醉不勞君勸石榴花

洪醉

梁元帝徐妃嗜酒多洪醉帝還房必吐衣中

帳飲

野次無宮室故曰帳飲

常滿盃

十洲記穆王時有盃曰常滿

酒所

漢書上有酒所謂醉此酒所直言飲酒處也

桑落酒

杜詩坐開桑落酒世說桑落河多美酒庾信詩蒲城桑

落酒灞岸菊花天

軟脚

玄宗幸楊國忠第出有飲餞還有軟脚開元傳信

麴秀才

葉法喜坐客思酒忽有人扣門云麴秀才居席末論難

鋒起葉疑其魑魅以小劍擊之化為瓶榼乃盈瓶醇醞
坐客醉而揖其瓶曰麴生風味不可忘也出開元傳信

鄭縈撰

郫筒酒

成都府西五十里因水標名曰郫縣蜀王杜宇所都以

竹筒盛美酒號曰郫筒

成都記

郎官清

國史補酒名則郫之富水烏程之若下又有蝦蟇陵郎

官清

酒材

近聞天子詔復許私醞釀趣使春酒材呼兒具盆盎

陸龜蒙

兵廚

步兵校尉廚多美酒阮籍故求之 本傳

好飲

陳軫過梁見犀首曰公何好飲犀首曰無事也曰吾請令公饜事可乎犀首魏官公孫衍也 史記

十日飲

秦昭王遺平原君書願與君為十日之飲 上

酒侵愁肺

旅酒侵愁肺離歌繞懦絃 李賀

醉眼禿

楊花撲帳春雲熱龜甲屏風醉眼禿 上

頽顏

送客飲別酒千觴無頽顏何物最傷心馬首鳴金環

蟻浮浮

隴畝油油黍與禾瓦甌濁醪蟻浮浮

青苧旗

鼉吟浦口飛梅雨竿頭酒旗換青苧 上並李賀詩

酒家南董

王績采杜康儀狄以來善酒者為譜李淳風曰君酒家南董也

醉聖

李白酣醉中所撰文章未嘗錯悞而與不醉人議事皆不出太白所見時人號為醉聖 開元遺事

東鄰

吳錄湘東鄴縣水以爲酒故曰湘東鄴

杯賢杓聖

壺隱仙人常吟詩曰杯賢與杓聖與我萬戶封樹萱錄

北窓三友見詩門

春醪獨撫

靜寄東軒春醪獨舞陶淵明

塵爵

塵爵耻虛壘上

名酒

余閒居寡歡兼比夜已長偶有名酒無夕不飲顧影獨

盍忽焉復醉上

忘憂物

泛此忘憂物遠我遺世情陶詩

酒中適句

酒中適句多上

抱甕

語林曰羊稚舒冬月釀酒令人抱甕速得味好

金龜換酒

賀知章一見李白號爲謫仙人因解金龜換酒爲樂

肝氣微

飲酒肝氣微則面青心氣微則面赤雜俎

松花酒

有老人雪中訪崔希真希真飲以松花酒老人云花澀無味以一丸藥投之酒味頓美王子長拾遺

酒驅俗態

王子弟子號太陽子好酒嘗醉或問之曰晚學俗態未除故以酒自驅耳神仙傳

騎杯

海東有姓劉人善作酒盛暑可寄千里人謂之騎上杯也勝說

鸛鷓貫酒

相如與文君居久益貧以所着鸛鷓裘貫酒始得飲西京雜記

酒濯足

馬周初入京至灞上逆旅遇數公子飲酒不顧周周卽市斗酒傾以濯足其衆異之朝野僉載

少年場

唯君莫惜醉認取少年場杜牧之

醉王醉士

李白每醉爲文未常差人目爲醉聖白樂天自稱醉王皮日休自稱醉士

巢飲鼈飲

石曼卿與客痛飲露髮跣足着械而坐曰囚飲飲于木杪曰巢飲以藁束之引首出飲曰鼈飲華談

酒如江見肉門

酪母

酒滓謂之酪母集韻

徐家肺

徐晦嗜酒沈傳師善殮楊嗣復云沈家脾徐家肺直安
穩耶語林

醉花宜晝

醉花宜晝醉雪宜夜醉樓宜暑醉水宜秋醉鄉日月

九不歡

九不歡飲酒不歡之候有九主人吝一也賓輕二也逞
牛飲三也醉鄉日月

歡場害馬

酒徒謂不可與飲者爲歡場之害馬醉鄉日月

寒筵冰

飲飾者如暑中置寒筵冰之類醉鄉日月

飲儲

下酒物色謂之飲儲醉鄉日月

狂花病葉

或有勇于牛飲者以巨觥沃之既撼狂花復凋病葉飲
流謂睚眦者爲狂花謂目睡者爲病葉醉鄉日月

酒德

武王見三神曰予既沉漬于酒德矣往攻必戡之晏子

卷褥質酒

李元忠嘗對壺獨酌使兩婢卷褥以質酒北史

醖酒

湘水記衡陽縣東南有醖湖土人取以釀酒其味醇美
所謂醖酒也晉武帝平吳始薦醖酒于太廟左思賦云
飛輕觴而酌醖醑卽此是也

象洞酒

象洞在渤海之間今屬武平縣昔未開拓時羣象止于其中乃謂之象洞其地膏腴稼穡滋茂有美醞邑人重之曰象洞酒

曲阿酒

梁武帝東行記有覆船山酒瑩山南次高驪山云昔高驪有女東海神乘船致酒禮聘之女不肯海神撥船覆酒流入曲阿故傳曲阿有美酒曲阿在丹徒縣

被酒

高祖被酒夜徑澤中注被酒者為酒所加被也西漢紀

酒醪廩穀

文帝詔無乃百姓之從事於末以害農者蕃為酒醪以

糜穀者多糜音靡散也上

三重釀

師古曰耐三重釀純酒也上

嘗耐

高廟耐奏武德文治五行之舞注正月旦作酒八月成名曰耐耐之言純也至武帝時因八月常耐會諸侯廟中出金助祭所謂耐金也耐音直救反上

天之美祿

義和魯國上言酒者天之美祿所以扶衰養疾也上

百藥長

鹽食肴之將酒百藥之長上

嘉觴

澹容與獻嘉觴 西漢房中歌

百末旨酒

百末旨酒布蘭生顏師古云百草華之末也以百草花末雜酒故香具美見春秋繁露 上齋房歌

甘酒

楚元王為穆生設醴注甘酒也少麴多米一宿而熟

桐馬酒

漢郊祀樂人給太官桐馬酒桐動也馬酪味如酒飲之可醉故呼馬酒

析朝醒

秦尊柘漿析朝醒 齋房歌

畢觴

廣宣延咸畢觴言盡爵也 上

日飲無何

袁益為吳相或說曰南方卑濕能日飲無何說王母反而已如此幸得脫何言無餘事也 本傳

不能滿觴

灌夫行酒至田蚡蚡膝席曰不能滿觴 上

酒失

灌夫數以酒失過丞相言因酒有失得罪過於丞相

糟丘臺

壘麴便作糟丘臺 李白

酒家錢

顏公三十萬盡付酒家錢興發每取之聊向醉中仙

金陵春

堂上三千珠履客甕中百斛金陵春

吳姬壓酒

吳姬壓酒喚客嘗

繡衣貰酒

昔日繡衣何足榮今宵貰酒與君傾李白贈韓侍郎

若琥珀

魯酒若琥珀汶魚紫錦鱗

酒仙人

崔成甫贈李十二白王外常求太白老金陵捉得酒仙人

酒客

酒客數人棹歌秦淮往石頭訪崔回侍御

鬱金

蘭陵美酒鬱金香玉椀乘來琥珀光

琥珀光見上

對影三人

花間一壺酒獨酌無相親舉盃邀明月對影成三人

勸孤影

獨酌勸孤影上

莫拒盃

勸君莫拒盃春風契人來

酒仙翁

酒仙翁李白自稱

酒隱

及長南進雲夢覽七澤之壯觀酒隱安陸蹉跎十年白
自謂也 上並李白詩

酒若淮泗

置酒若淮泗積肴若丘山 吳都賦

盈樽酌

賴此盈樽酌 謝玄暉

權酌

武帝天漢三年初權酒酌師古曰權者渡橋也爾雅謂
之石杜今之略衍是也禁閉其事摠入官而下無由得
若渡水之權衍音酌

春蟻

庾信集中山公許乞酒一車未送來秋葉幾回落春蟻
未曾開

秋釀

張載云造釀以秋

酒經

陶人為器有酒經晉安人餉人以酒置書云酒一經或
二經至五經焉他境人至不達是義聞饋五經束帶迎
于門乃知是酒 侯鯖集

淫酒

劉曜少而淫酒將戰飲酒數斗以及於敗

黍酒

楚與晉戰司馬子反渴而求飲堅陽穀操黍酒而進之

注酒器受三斗曰黍

呂氏春秋

椰漿

南蠻赤土國以甘蔗作酒雜以紫灰根酒色黃赤亦名椰漿為酒

酒腸

為君開酒腸顛倒舞相飲白居易

扶頭酒

一榼扶頭酒泓澄瀉玉壺十分醮甲酌湫澗蒲銀盃白樂天

萬家春

坡詩持我萬家春一酌五柳陶坡在廣南自釀酒之名

甕頭春

綠綺靜諳絃外意白雲閒撒甕頭春

嗑嗑百榼

平原君與子高飲強子高酒曰昔者遺諺堯舜千鍾孔叢子百觔子路高嗑尚飲百榼古之聖賢無不能飲也

白擲劇飲

北齊元行恭少頗驕恣父文遙令與盧思道交遊文遙謂思道曰小兒微有所知是大弟子之力白擲劇飲甚得師風思道即曰六郎詞情爽邁而白擲劇飲亦天性所得

十旬清

九醞甘醴十旬兼清注清酒百日而成南都賦

凍飲

海錄事 卷六
挫糟凍飲耐清涼注凍冷也

魏都賦

凍醴溫耐

凍醴流漸溫耐躍波

清醑如濟

清醑如濟濁醪如河上

湘吳耐

雪賦酌湘吳之醇耐湘謂湘川鄧陵縣吳謂烏程若下酒二處皆有名

蘭卮

蘭卮獻時哲旨酒布蘭生

謝靈運

油油退

禮記曰君子之飲酒也一爵而色酒如二爵而言言斯

三爵而油油以退

盈觴酒

獨有盈觴酒與子結綢繆

李陵

綠樽

賓至下塵榻憂來命綠樽

沈休文

舞王戎

庾信荅餉酒未能扶畢卓猶足舞王戎

蘭英酒

漬蘭葉爲之使香也

春清縹酒

春清縹酒狄康所營匹妙反

七命

酃醁酒

盛弘之荊州記淥水出豫章康樂縣其間烏程鄉有酒
官取水為酒極甘美與湘中鄴湖酒年常獻之世稱鄴
淥酒

鄴淥酒 見上

蒼竹葉

蒼竹葉清宜城九醒酒也 出張華輕薄篇

飲酒過差

阮嗣宗與物無傷唯酒過差耳 嵇康書

金樽凸

十分瀲灩金樽凸

酒膽豚

豚字呼闕切頑也當在山字韻劉夢得有杯前膽不豚

趙勰有吞船酒膽豚之句禮部韻不收唐韻亦無 漢臯
詩話

酒戶加

久隨萍梗鄉音改因奉王侯酒戶加

玉酒

瀛洲有玉膏如井味名曰玉酒飲數升輒醉令人長生
十洲記

下若酒

若溪在長興縣南輿地志云南曰上若北曰下若下若
水釀酒醇美韋昭吳錄云烏程下若酒有名劉禹錫云
鸚鵡林中若下春謂酒也

若下春 見上

烏程

烏程因居人烏氏程氏善釀得名

霑餘瀝

分鴈鷺之稻梁霑玉學之餘瀝廣絕交論

飲淵明舍

何法盛晉中興書顏延之為始安郡道經潯陽常飲淵明舍自晨達昏及淵明卒為誄極其思致

酒有權

情多最恨花無語愁破方知酒有權鄭谷

食門

藜藿

藜藿羹注藜草似蓬藿豆葉也史通子

糲梁食

糲梁食張晏云一斛粟七斗米為糲糲音賴漢書注

奇羞

後主百品盛奇羞

椒糲

巫咸將久降兮懷椒糲而要之音所米切楚詞

瓊靡

折瓊枝以為羞精瓊靡以為糲音靡屑也糲音張糲也

蕙蒸蘭藉

九歌蕙肴蒸兮蘭藉奠桂酒兮椒漿

吳羹

和酸若苦陳吳羹上

海錄萃要 卷六
蔗漿

濡鼈炮羔有蔗漿上

腐腸藥

甘脆肥醲命曰腐腸之藥枚乘七發

牻牛腴

牻牛之腴菜以笋蒲上

折芟燔枯

折芟燔枯注枯乾魚也在彥升表

羅閣

異物志云高昌僻土有異於華寒服冷水者飲羅閣注云高昌郡人呼粥為羅閣也

鰲魚額

語曰寧去累世宅不去鰲魚額雜俎

合瀾蠟

語曰得合瀾蠟雖不足豪亦足以高上

彫胡飯

主人女為臣炊彫胡之飯烹露葵之羹披白縠之單衫

垂珠步搖來排臣戶相如諷賦

露葵羹見上

杭子

杭子音元鹽鴨子也以其用杭木皮汁和鹽漬之

含肚鮓

石首魚鹽淹曝乾謂之含肚鮓上

熊白

熊當心有白脂如玉味甚美俗呼熊白 淮南子

其狗羹

楚人烹猴召其隣以為狗羹而甘之 山海經

草具

范睢見須賈使舍食草具 史記

善飯

趙使曰廉將軍雖老尚善飯然與臣坐頃之三遺矢矣 史記本傳

食蛙瘦 見光景門

蓬池鱸

李德裕述夢詩云荷靜蓬池鱸冰寒郢水膠注學士初上賜食皆蓬萊池鱸夏至頒冰及酒以酒味濃和冰而

飲禁中有郢酒坊

安成食

南朝安成公何勗無忌之子臨汝公孟靈休昶之子以肴膳器服車馬相高都下語曰安成食臨汝飾

五侯鯖

漢婁君卿歷遊五侯之門每旦五侯遺餉之君卿合為鯖世傳五侯鯖音征煎和之名

佳設

羊曼在丹陽客來早者得佳設

高陽食

高陽一食直我千日 洛陽伽藍記

燒尾食

唐景龍中初拜官者例各進食名曰燒尾食

下食客

謝惠連父方明族子靈運謂曰阿連才悟如此而以常兒待之何長瑜當今仲宣而飴以下客之食

羞煑

羞煑宜羊豕煑宜犢語林

清酒特炙

陸機百年歌清酒特炙奈樂何古樂府

杏酪麥粥

孫楚祭子推文云黍飯一盤杏酪二盃清泉甘水充君之厨今寒食杏酪麥粥卽其類也荆楚歲時記

山膳

若擬營山膳相隨折晚菘陶詩

太牢具

項王使者來爲太牢具舉欲進之西漢志

惡食

以惡食食項王使者上

爭奏酒炙

延壽被誅老小扶持車轂爭奏酒炙

麪起餅

齊永明九年詔太廟四時薦麪起餅疑今之蒸餅也

尊龜

尊美絕美江東人謂之尊龜雜俎

炊金饌玉

海鏡石事 卷六
駱賓王謂盛饌曰炊金饌玉

乳糜香飯

晉劉孝威啓曰乳糜香飯素糝粳

蒸葫蘆

鄭餘慶處分厨家爛蒸去毛莫拗折項客以為必是鵝

鴨乃是爛蒸葫蘆商芸小說

飯三升

鬪鬪性能多食一飯至三升乃飽

治具

魏其夫妻治具至今未敢嘗食灌夫傳

母食馬肝

食肉無食馬肝未為不知味也注馬肝有毒食之善殺

人西漢志

桂蠹

南越王獻桂蠹一器注蠹食桂故味辛而漬之以蜜食

之也前南粵王傳

家鹿

倦遊錄廣南人食鼠謂之家鹿

落頭鮮

送人鄖鄉無慙折腰吏勉食落頭鮮注鄖人相尚食腐

魚故俗傳為落頭鮮

囚犢奪乳

囚犢奪乳劫蜂食蜜又以油引出葷上之蟲而食謂之

三奪食出佛書

三奪食 見上

庖霜浙玉

庖霜浙玉膾玄鯽炊香粳 魯直詩

酒車

酒車酌醴方駕授饗左氏注熟曰饗 西京賦

修薄具

修薄具而自設注具肴饌也 長門賦

甘臠

飯食則溫淳甘臠美也昌芮反 七發

芎山膚

肥狗之和冒以山膚注熊白也冒與芎同上

楚苗

楚苗之食安胡之飯或云彫胡 上

熊蹯

熊蹯之臠音煩而 上

豢豹胎

豢豹胎言所養豹 上

小飯大歡

小飯大歡如湯沃雪 上

蟬翼剖

蟬翼剖言其切之薄也 上

蓐收調辛

蓐收調辛亥冥適鹹

極陸毛

極陸毛窮海錯七命

晨鳧露鵠

晨鳧露鵠言味之美上

封熊踏

封熊之踏翰音之跡上

淨饌

淨饌素餐見藝文

象白

象白猶熊白也上

鷓鴣脣

鷓鴣脣脣薄米反七命

命支離

命支離飛霜鏘紅肌綺散素膚雪落注支離古之屠人七命

膚寸肴脩

選應休璉書接武茅茨涼過大厦膚寸肴修味踰方丈注四指為膚

茶門水品附

紫筍茶

清明日湖州進紫筍茶荆楚歲時記

茗一車

權紵茗讚云窮春秋演河圖不如載茗一車

雪水滯

陸羽品第水以雪水第二十二云煎茶滯而太冷也

海金石事
卷六
茶癖酒狂

鄧剝云陸羽茶既為癖酒亦稱狂

水厄

晉王濛好飲賓客茶每欲往候則云今日有水厄世說

蒙頂

蜀之雅州有蒙山上有五頂各有茶園中頂曰上清峯亦通呼五頂

煮水處士

越僧囊有數編書張君房抽一通卷末題云煮水處士卷中言水晶第

瑟瑟塵

茶詩石碾輕飛瑟瑟塵林逋

茶靄

滴滴藥泉來石竇霏霏茶靄出松梢上

煮晚濃

紙軸敲晴響茶鐺煮晚濃上

茶風酒禿見酒門

茶仙

杜牧池州茶山病不飲酒詩云誰知病太守猶得作茶仙

蟾背蝦目

茶賦候蟾背之芳香觀蝦目之沸湧

蝦蟆背

茶經凡炙茶候炮出培塿狀如蝦蟆即去火

魚目

茶經其沸如魚目微如有聲為一沸緣邊如湧泉連珠為二沸膝波鼓浪為三沸過是矣

酪蒼頭

豈可為酪蒼頭使令代酒從事言茶也

茗戰

茶錄

細漚

細漚花泛浮餗雲騰言茶茶錄

苦茶

爾雅曰檟苦茶注云檟一名苦茶郭云樹小似梔子冬生葉可煮作羹飲今呼早采者為茶晚取者為茗一名

旃蜀人名之苦茶

茶治熱

故老云五十年前多患熱黃坊曲有專以烙黃為業者
灞漚諸水中常有晝坐至暮為之浸黃近代悲用而病
脚者多飲茶所致國史補

石花紫筍

皆茶名也劔南有蒙頂石花湖州有顧渚紫筍峽有碧
澗明月

斛二痕

續撰神記有人能茗飲至一斛二斗忽飲過量數勝吐
出一物如牛肺以茗澆之容一斛二斗因名之斛一痕
封氏見聞記

茗粥

茶古不聞食晉宋已降吳人採葉煮之名為茗粥茶錄
瑠璃眼

皇孫奉節王好詩初煎茶如酥椒之類求詩泌戲云旌
沫畚成碧玉池添酥散出瑠璃眼奉節王即德宗鄭侯
家傳

煎茶博士

御史大夫李季卿宣慰江南召陸鴻漸煎茶鴻漸為盡
藝既畢命奴子取錢三十文酬煎茶博士鴻漸羞復著
毀茶論語林

毀茶論見上

貢焙

唐制湖州造茶最多謂之顧渚貢焙歲造一萬八千四
百八斤南郡新書

仙人掌茶

仙人掌茶出荊州玉泉寺拳然重疊其狀如手故號仙
人掌茶玉泉真公採而食之年八十餘歲顏色如桃花
此茗清香骨熱異於他者所以能還童 枯扶人壽

茶煙

茶煙輕颺落花風杜牧之

滌煩子

茶為滌煩子酒為忘憂君施肩吾

白茶山

圖經云永嘉縣東有白茶山

壺居士

壺居士著食忌云茶久食羽化不可與韭同食令耳聾

魚肉門

洛鯉

里語曰洛鯉伊魴貴于牛羊

伊魴

魴一名鮓今之青鱖也其廣方其厚褊故一曰魴魚一曰鱖魚

吳餘鱠

吳孫權嘗行江食鱠棄其餘悉化為魚其長數寸大如箸猶膾條因名吳餘鱠

張華博物志

洞庭鮒

洞庭之鮒灌水之鮓

鮓魚

鮓今之鮓魚也於業反

紅肥花落

呼兒拂几霜刃揮紅肥花落白雪霏謂所鮓也

李白

糴糴炙

肉之美者猩猩之脣糴糴之肉也

呂氏春秋

嘗一肉

嘗一肉而知一鑊之味一鼎之調

肉如墀

晉應頎祝社文有肉如墀有酒如江

蔬菜門

秋黃蘇

秋黃之蘇白露之茹七發

白露茹見上

霜蓄露葵

霜蓄露葵蓄菜也七啓

孤山蔥

洗山記有孤山岩石崔嵬上有蔥如人所種人如往取援輒斷絕請神而求不挽自出

崑崙瓜

茄子也一名落蘇一名崑崙瓜事見拾遺本草

早韭晚菘

齊周顒隱鍾山王儉謂曰山中所食何者最勝曰春初

早韭秋末晚菘

琅菜

漢武內傳西王母有碧芝琅菜

去邪菘

北齊邢峙為博士授太子經厨人進邪菘峙命去之曰此菜有不正之名顯祖嘉之

蜀蕻吳菘

闊葉吳菘巨根蜀蕻

雲薇

晉咸寧中於金墉城種異菜名雲薇又曰雲芝拾遺記

玉蔬

始皇遣徐福入海求金菜玉蔬

江東人呼地蕈為土菌亦曰馗厨爾雅謂之中馗也

馗樓

馗樓馗中瓣也人齒美者似之詩云齒如馗犀是也

絲蓴

蓴七八月以前為絲蓴至冬為猪蓴

綺蔥

仙人上藥有玄都綺蔥 漢武內傳

羊踏菜園

陸雲笑林昔有人嘗食蔬茹忽食羊肉夢五藏神曰羊

踏屐菜園

草鍾乳

養生訣錄云韭性暖號草鍾乳

種蔥月

蔥四月種蘿蔔及葵六月種蔓菁七月種芥八月種瓜

二月種 齊民要術

綠葵白薤

綠葵含露白薤負霜 閒居賦

醍醐菜

醍醐菜葉似道人頭根本如水芹其味甘香

米麩門 餅餌附

梁甫銀泥

吳切餌說云細如華山玉霄白似梁甫銀泥

密餌

柜救密餌有餽餽 宋玉招魂

五里香

魏文帝與朝臣書云江表唯長沙名有好米風吹之五里聞香

通腸米

南楚新聞荆南孫儒之亂斗米四十千持金寶換易纔得一撮一合謂之通腸米言饑人不可食他物唯煎米飲之可以稍通腸胃

宴會門 妓女附

後筵

溫渥浹輿隸和惠屬後筵 顏延年

佐酒

漢高還過沛悉召故人父老子弟佐酒助飲酒也 高帝紀

飲帳

洪波陪飲帳林光宴秦餘洪波趙簡子臺林光秦殿名 陸韓卿

乘日養

既作長夜飲豈顧乘日養 注養樂也 王粲

光妓

光妓儼其階列注光華之妓也 笙賦

近賓

華堂曲宴密友近賓 上

試周郎

王勣詠妓不應令曲誤特此試周郎

臨歌扇

陳子昂詠妓明月臨歌扇行雲接舞衣

高宴南榮

梁元帝妓詩日斜下北閣高宴出南榮

奏妓

隋虞茂衡有奏妓詩

官婢

漢書注王君公為郎自污與官婢通免歸

女騎

石季龍以女騎一千為鹵簿皆著紫繪巾熟錦袴金銀
鍍帶遊于戲馬觀

帳集

沈約前緩聲歌羽人廣宵宴帳集瑤池東

綺羅堆

綺羅堆裏春風畔韓滉

官奴

漢書昌邑王賀引內昌邑官奴二百餘人

狎坐

美人狎坐飛瓊觴李賀

五離詩

鑑誠錄蜀妓薛濤獲罪連帥作五離詩大離家魚離池
鸚鵡離籠竹離叢珠離掌帥復喜焉

軟脚局

郭子儀自同州歸詔大臣就宅作軟脚局人率三百千

六鶴齊飛

列子曰虞氏設樂飲酒擊博樓上其齒以牙飾以箭削長五寸其數六刻一頭作鶴形仙經云六鶴齊飛蓋其名也醉鄉日月

張具

益市牛酒夜洒掃張具灌夫傳

選妓徵歌

選妓隨彫輦徵歌入洞房李白

宵向分

酒中樂酣宵向分中竹伸反半也李白

化綵雲

只愁歌舞散化作綵雲飛上

延落景

置酒延落景上

清夜娛

織作王牀席欣承清夜娛上

皓月窺醉

皓月生海來窺醉客上

煙霞輔賞

窮朝晚以作宴驅煙霞而輔賞上

飛觴舉白

飛觴舉白大白杯名犯令者飲之

肴駟酒駕

肴駟連鑊酒駕方軒七命

舉白

削青爭落筆舉白闔飛觴劉子儀

十眉

十眉縵列坐生光東坡

席長筵

席長筵列孫子閒居賦

娛密坐

鄭衛之樂所以娛密坐接驪欣也選賦

解巖顏

解巖顏擢幽情

縹瓷

傾縹瓷以酌醴匹妙反淺碧色笙賦

集同好

集同好延友生笙賦

析波行醴

析波行醴謂分水流盃也

金谷集

潘安仁金谷集嘗作詩

池上酌

已有池上酌復此風中琴謝元暉

湘川娥

南要湘川娥陸機前緩聲歌

斗酒相娛

斗酒相娛樂聊厚不為薄古詩

飛華萍接

飛華萍接浮蟻星沸七命

觴酌流行

觴酌流行絲竹並奏魏文帝書

觴酌陵波

觴酌陵波於前笳簫發旨於後曹子建書

填石壑

食若填石壑飲若灌漏卮上

傾海為酒

傾海為酒并山為肴吳季重書

家素習妓

家素習妓頗有秦趙之聲思歸引

閱水環階

閱水環階引池分席言流盃如此也顏延年詩序

觴醪

觴醪浮泛鄭玄禮記注曰醪旨酒也上

情盤

情盤景遽歡洽日斜盤樂也上

激水移

蕙肴芳醴任激水以推移言流觴也王元長詩序

千人帳

韓翊上令狐相公臨風高會千人帳映水連營百乘車

謝秋娘

謝秋娘曲始自李德裕鎮浙西日爲亡妓謝秋娘作後
改曰望江南亦曰夢江南李德裕詩序

一笑樂

日至更以令休宜從衆歸對妻子設酒肴請隣里門笑
相樂薛宣傳

飲器門

紫泉缸

皮日休詩愛携白木鍾多買紫泉缸

白醅缸

陸龜蒙詩俗謠珠樹曲村餉白醅缸

鰕頭盃

南越志云南海以鰕頭爲盃須長數尺以金銀鏤之

蘭卮

謝靈運九日戲馬臺詩云鳴葭戾朱宮蘭卮獻時哲

羽觴

金罍含甘醴羽觴行無方羽觴者酒盃爲雀形也劉公
幹詩

鸞觴

鸞觴酌醴神鼎烹魚言爲鸞鳳之文嵇叔夜詩

澄觴

澄觴滿金罍魏太子

玉交盃

李義山水簞且眠金縷枕瓊筵不醉玉交盃

酌車渠

梁簡文車渠屢酌鸚鵡驟傾

蠻榼

李九齡送人東遊莫嘆青山拋皓月且傾蠻榼盡濃醪

鸚鵡卮

唐昭宗賜莊宗鸚鵡酒卮翡翠盤是時莊宗年十一人

云昭宗曰此子可亞其父人名之亞子瑣言

偏提

元和後酌酒用注子其形若罍而蓋觜柄具大和後中

貴惡其名同鄭注乃去柄安系若茗瓶而小目之曰偏

提資取集

分盃

煬帝分御盃以賜祕監諸葛穎分盃之法起自籌禪師

用藥物著帽簪對賓客取以畫酒卽中斷大業記

小觴

別館驚殘夢停盃泛小觴李賀

千年觥

黃鵠跳舞千年觥上

鵲尾杓

陳思王有鵲尾杓柄直長置之酒樽王欲勸者呼之則

尾指其人朝野僉載

碧霞觴見仙門

璚碧樽

劉楨瓜賦馮彫王之几酌璚碧之樽

竹根杯

野爐然樹葉山杯捧竹根庚信

飲器武

飲器大曰武小曰文醉鄉日月

鷓夷勝

師古云鷓夷即今之盛酒鷓夷勝也

鷓夷滑稽

鷓夷滑稽腹大如壺注鷓夷韋囊以盛酒也滑稽者圓轉縱捨无窮之狀揚雄酒箴

繫青絲

玉壺繫青絲沽酒來何遲李白

百壺

滌蕩千古愁留連百壺飲上

綠玉盃

遺我綠玉盃兼之紫瓊琴上

瘦木樽

李白詠李少府山瘦木樽成山岳勢材是棟梁餘

肉枰

音馨不然快作燕市飲笑撫肉枰眠酒壚陸龜蒙

熊耳杯見韞蓋門

翠樽彫觴

盛以翠樽酌以彫觴七啓

金甌

誰復勸金甌酒器中大者呼為甌賓僚常顧形跡未嘗以此相勸是時李德裕謫出潤州

蒼梧令金佐堯從賊被黥面嘗自稱金鑿絡湘楚人以
盞學中鑄鏤金渡者為金鑿絡

食器門

犀筋

韋琳天寶中作鮒表以刺時云遠厠玳筵猥頒犀筋

長生瓢

長生木瓢示真率鄴中記長生木八九月生花色白子
赤大如橡子

什具

古者師行二伍為什食器之類必供之故曰什物什具
也

玉俎

後主玉俎且共甘羽觴合同嘉

七奠拌

晉書桓溫為大司馬征西大將軍性儉每燕惟下七奠
拌茶果而已拌音盤

羅八玢

後主金釭明五夜玉盤羅八玢

庖厨門

五熟釜

魏文帝在東宮賜鍾繇五熟釜而銘之

中厨

嘉賓填城闕豐膳出中厨
曹子建詩

櫻筍厨

四月十五日自堂厨至百司厨通謂之櫻筍厨 荆楚歲時記

孟嘗鑊

青州南城佛寺有二大鑊大者容四十石小者容三十石舊傳寺即孟嘗君宅鑊即用以待食客者李休毀為兵器 封氏見聞記

三隅竈

詩樵彼桑薪印烘於煤郭璞云煤三隅竈也

佐祭得嘗

佐祭得嘗佐鬪得傷 淮南子

煎和門

大苦

九辨云大苦鹹酸辛甘行注大苦豉鹹鹽酸酢辛薑甘蜜也

適鹹調辛

玄冥適鹹蓐收調辛 七啓

火劑

凡諸火劑並皆始熟一時珍羞莫不畢備火劑言煎熟滋味也

越裳梅

醅以大夏之薑酢以越裳之梅 崔駰七依

齊蘭梅

河竈之美齊以蘭梅

燁秋橙

燁以秋橙和以春梅燁煮也 七命

陽樸薑

滋以陽樸之薑

脯醬門

魚醢

魚醢魚制皆魚醬也上音祚下音製

晏脯

晏脯堯時厨中自生肉薄如晏搖鼓生風食物不臭諸集拾遺

醒酒鯖

虞棕獻齊武醒酒鯖鮓方

糟蟹

何胤侈於食味稍除去其太甚者猶有醞醋糟蟹陸詩云自是揚雄知郭索且非何胤敢餽餽集韻餽餽餌也

醢鹽門 糖蜜附

朱蜜

漢武內傳上藥有連珠雲醬玉津金醬

崖蜜

本草石蜜即崖蜜也其蜂黑色作房於岩崖高峻處

玉華鹽

胡中有鹽瑩徹如水精謂之玉華鹽以供王厨

形糖

高釘形糖蒲傾甘酪

海金... 卷六
胡鹽

魏太武送九種鹽內胡鹽治目病

蔗胎

糖一名蔗胎 集韻

蜜房

蜀都賦蜜房都毓被其阜

石蜜

魏文帝詔羣臣南方有龍眼荔枝寧比西園蒲萄石蜜
石蜜乳糖也

卉醴

卉醴花物外香清濃標格勝椒漿注仙經呼蜜為卉
醴鄭畋三勒漿詩

五色鹽

五色鹽出安息國

食肴將

鹽食肴之將酒百藥之長 西漢志

白鹽如玉

白鹽如玉赤鹽如朱高昌國

九種鹽

魏太武征彭城遣送九種鹽并胡鼓求黃甘

苦酒

魏各臣傳官飯苦酒與百姓爭錐刀之末宜停之注苦
酒者醋也

薪炭門

獸炭

晉羊琇屑炭和作獸形以温酒洛下皆效之

馬通薪

山谷言城西張仲謀為我寒惠送騏驥院馬通薪三百
秤一云束

桐薪

淮南子巨斧擊桐薪不待利時良日然後破之

編管秉杆

左傳楚令尹卻氏或取一編管焉或取一秉杆焉注秉
把也

尋桂

尺燼重尋桂紅粒貴瑤瓊 張景陽

桂玉

戰國策蘇秦之楚三日乃見王曰楚國食貴於玉薪貴
於桂

炭蚪

獸炭曰炭蚪

煉炭

洛下有豪子飲食鮮華有李使君亦尚豪侈為具召之
曾不下箸及飯至李曰試食此以炭炊豪子勉食一匙
曰凡以炭炊先燒炭熟謂之煉炭方無烟氣此非也 劇
談錄

龍芻

東海有島曰龍駒川穆天子養八駿處島中有草名龍

海錄序事 卷六
芻馬食之行百里語曰一抹龍芻化為龍駒拾遺

甘露芻

劉恢馬詩絡首纏駿尾養以甘露芻

樵蘇

樵蘇後爨師不宿飽注樵取薪也蘇取草也史記

香門

百濯香

吳孫亮寵姬有異香歷年彌盛百浣不歇名曰百濯香

茵苜鑪

薛逢詩碧碎鴛鴦瓦香埋茵苜鑪

無礙香

張說詩願寄無礙香隨心到南海

五香

一木五香根旃檀節沉花鷄舌葉藿膠薰陸

辟惡香

庾信盤龍明鏡餉秦嘉辟惡香寄韓壽

妙香

燈影照無睡心閒聞妙香維摩經云坐香樹下聞斯妙香杜詩疑是孟詩

異香

卮洛五蘊七香湯踞通沉水香坐燎降神百蘊香昭儀浴荳蔻湯傳露華百英粉帝常私語樊姬曰后雖有異香不如昭儀體自香也飛燕外傳

百蘊香

五蘊香 同見上

返生香

拾遺傳月支國進異香漢武帝焚之死諸日皆活一日返生香一曰却死香

蘇合香

南史大秦國出蘇合香是諸香汁煎之非自然一物也又大秦人采蘇合先榨其汁以爲香膏乃賣其滓

震檀香

震檀香乃返魂香也出聚窟洲亦名却死香一種有六名漢武時月支國嘗獻之

靈蕪

靈蕪盤穗卷良常靈蕪香也 林逋

象藏香

象藏香因龍聞而生燒之一丸凝停七日降金色雨露人身悉皆金色

沉榆香

詔羣臣受德教者先燃沉榆之香 拾遺記

九回香

趙飛燕妹婕妤好名合德每沐以九回香膏髮其薄眉號遠山黛施小朱號慵來粧 雜俎

石葉香

欲薰羅薦嫌龍腦須爲尋求石葉香 段成式

逆風聞

林公曰白旃檀非不馥焉能逆風成實論曰波利賓多

天樹其香則逆風而聞

龍鱗香

龍鱗香葉子曰卽棧香之薄者又曰龍鱗香

意可香

意可香初名宜愛或云此江南宮中香有美人字曰宜愛此香故名宜愛山谷曰香殊不凡而名乃有脂粉氣易名曰意可

鵲尾爐

香爐有柄曰鵲尾爐費崇先信佛法常以鵲尾爐置膝上珠林

三天下

香氣三天下鍾聲萬壑連李白

五色煙

皮日休五色香煙惹內文注許遠遊燒香五色煙

沉木香

沉木香林邑國土人破斷之積以歲年朽爛而心節獨在置水中則沉故名曰沉香不沉名棧香

侍史香

塵暗神妃鞵衣殘侍史香楊文公詩

芝印

香字消芝印金經發涯函

梵字香

翻了西天偈燒餘梵字香

雜器用門

獸子

匈奴破月支王以其頭為飲器師古云獸子褻器所以
澆便者也

女須砧

李義山牀空鄂君被杵冷女須砧

留犁

漢書單于以徑路乃金留犁撓酒應劭云留犁飯匕也

懶架頑盆

一榻竹風橫懶架半軒花月到頑盆林逋

金屈膝

織女屏風金屈膝

席壽

器用經久謂之席壽考工記云犀甲壽百年

胡牀

改胡牀為交牀胡瓜為白露黃瓜改茄子為崑崙紫瓜
大業記

浮金鍾

顓頊有浮金之鍾沉明之磬羽毛微物拂之則其聲振
於百里拾遺記

霜鳴鍾

豐山有九耳鍾霜降則自鳴也 山海經

碧玉鍾

漢武起騰光臺臺上撞碧玉鍾 洞冥記

鈿笏

海錄碎事 卷六
趙廣漢教吏爲鉅笏注音項同如瓶可受投書師古曰
如藏瓶可入不可出

服匿

於勤王賜蘇武服匿注河東北界人呼小石罌受二斗
者曰服匿

舒州杓 原缺

舒州杓力士鎗李白與爾同死生 李白

力士鎗 見上

海錄碎事卷第六



